


倚姓樓傳奇

倚姓樓傳奇

尺府

金鑑



居官鑑目錄

卷上

授鑑

海警

解饗

議撫

憤邊

椿訓

玩鑑

送姬

花頌

緝妖

漁閨

靖盜

閨憶

卷下

哭災

爭賑

馳計

夢訣

匪變

守茗

禱佛

籌防

化玉

疏薦

亭判

舟悼

傳鑑

居官鑑卷上

海鹽黃燮清韻珊填詞

原名憲清

授鑑 第一齣

生上

領起全部
開局軒昂

黃鐘引子傳言玉女萬里南圖羨鵬翮垂天高舉問男兒何時
際遇閒雲待出岫商略蒼生霖雨一片心分縈家國眷懷
君父

南詔風雲氣鬱盤過庭詩禮快承歡讀書不爲科名計
要與天朝策治安小生王文錫表字與九福建侯官人

忠孝提綱
杜意正大

也家君作宰滇南。洊升郡守。小生與弱弟文璐。隨任官齋。親承色笑。所痛萱凋堂北。未酬寸草之心。猶幸蘭潔陔南。尙有大椿之蔭。小生仰承庭訓。粗識官方。祇以侍奉無人。未敢用行自許。只是父親望兒心切。報國情殷。懼懷安之敗名。以出山爲急務。謂官無大小。能忠勤卽是良臣。謂孝在顯揚。有樹立方。稱賢子。小生迫於嚴命。遂以鹺使分發浙江。日來催迫登程。只得捩擋就道。且待父親退衙。再求訓示便了。外上

前腔。星髯蕭疏。難報聖朝恩遇。望兒行早。圖進取名駒。看

慈父深心

振策努力先鞭雲路。只索要待伊成立。慰予遲暮。

〔生〕父親在上。孩兒拜見。〔外〕罷了。兒阿。你年華方壯。玩愒

可憂。今既官發浙江。正該束裝需次。踴躍從公。怎的面

帶愁容。卻是何故。〔生〕孩兒非爲別事。只因父親年邁弱

弟。冲齡深恐侍奉難周。是以拋撇不下。〔外〕這事不須過

慮。

〔黃鐘過曲〕畫眉序。漫躊躇。你弱弟猶堪慰桑榆。況詩腸健飯老

眼能書。就是你媳婦周氏。姬人黃氏。都能孝順溫恭。何慮
旨甘無著。不。愁。我。鮒。轍。常。枯。抵。得。你。雅。兒。反。哺。男。兒。若。但。

壯懷遠識

居官錄 卷一
依門戶虛生世間何補

生父親嚴命豈敢有違只是仕版初登諸事未經諳練
再乞訓示一番外我自出仕以來著有居官寶鑑一書
凡用行政安良戢暴之法莫不詳載其中我兒亦曾
檢閱數過今日就將此書傳你你可時時尋繹謹謹收
藏出書授生介生孩兒拜賜外我再將書中大意指示
一番者

是一則官箴

前腔治安書不比文章鍊京都是安危機括理亂權輿切
勿言小事糊塗漸到了大綱舛錯一樁樁須要精神赴但

疏防便成貽誤。

近聞沿海一帶島舶橫行浙江地接重洋定籌防堵我兒此去必須奮勇當差切勿稍存推諉生孩兒理會得。

外

前腔蔓難圖好向樓船射天狐待洗兵海島秣馬蓬壺須索要勉效馳驅少不得兼襄剿撫便官卑也有風雲路敘微功自邀恩數。

籠罩下文
聲勢不凡

生嚴訓周詳謹銘肺腑只是孩兒此去未知居官之事以何爲先外凡事非人不理自然知人任人是第一要。

務浙省英才濟楚正當虛心物色也

處處伏筆
俱有草蛇
灰線之妙

前腔濟艱虞總仗英才佐良謨早畱意爾衡鸚鵡庾杲芙
渠我有門生何詠霓可惜遠任京曹此君抱負文章卓然
大器日後若得共事定能相與有成也倘相逢桃李門徒
好共證芝蘭治譜協恭上下宜調護要虛衷互相匡助

明日黃道吉期已命家人收拾行裝剋期就道你可與
媳婦輩一敘別懷爲父的尙有公事未盡之言瀕行再
當囑付便了生淚介是外正是垂老不無思子淚爲官
須解報君恩下生歎介行期迫促離緒紛煩這標懷好

語語深入
肺腑

手揮目送
直照後文

難安頓。且到房中。與娘子話別。則箇內旦黃姬隨我出。
來。生話猶未了。娘子與姬人早則來也。旦引小旦上。旦
啄木兒臨別語說已無萬疊愁懷。何處訴小旦只覺的。忽
忽傷心酸得迴腸成醋。旦相公真箇要去了麼。生嚴親催
迫教卑人亦不能自主。旦相公呵。你衰翁垂老。黃堂府兒
郎遠宦青雲路。只怕你夢裏思親淚也枯。

妾有俚言一首。爲君贈行。伏希賜納。出詩授生。介生待
卑人展誦。念詩介澄清攬轡望名流。不是尋常賦浪游。
堂上白頭翁已老。願君此去早封侯。淚介娘子金玉之

言定當敬佩。只是卑人去後呵。

言言如話
字字入情

三段子你旨甘反哺。好侍奉詩餘酒餘。四時起居還仗恁。
修書寄書。便是黃姬呵。你芝蘭同室。休違忤蘋蘩中饋。須
分做。如若娘子愁悶之時。你要從旁解慰才好。切不要對
蹙雙眉。數淚珠。

同淚介。小生上官閣傳燈候。書齋放學時。吓爹爹母親。
為何在此傷感。生孩兒來得甚好。爲父的明日便須赴
浙。你在家中好生習學詩書。切勿任性游蕩。小生爹爹
在家。好不安閑。偏要出去做官。嘔心費血。卻爲些甚麼。

慨乎其言

來生你懂得甚事。好生聽我分咐。

滴漏子。爹和母。爹和母。好生愛護你兒和女兒。和女要知。

質樸處直
逼元人

甘苦。小生哭介。爹爹要去。孩兒是要同去的。生不勞牽。

衣煩絮畱伊陪母親隨祖父休學。那劣兒郎嬉遊無度。

小生孩兒怎敢。小旦今晚備有餚酒。替老爺餞行。請夫。

人同到上房。從容話別。則箇旦相公呵。

尾聲。金尊銀燭催離緒。小旦小生可不道銷魂終古。是南。

收處全身
俱動

浦生這袖中居官寶鑑。須要親自收入行囊。好證取他年施布。

同下

海警 第二齣

副淨領卒子夷裝乘船上

出隊滴畱子輪船飛走直到中原萬里游。甬東兒女入邊愁。數聲夕陽刁斗驚烽壓戍樓。孤城怎守玉帛金銀待俺去搜。

俺乃西洋島國渠帥烏延障是也。我國不修文治。專事富強。取士以技巧爲先。升官由負販而起。只因內地閭廣江浙地方。民物殷繁。錢財廣足。我國煉得相思膏一味。偷販中華。誘他吸食。誰知不上數年。弄得那些百姓

陷阱不知
可發一歎

特筆表出

們朝朝想慕箇箇沈酣。不論銀穴銅山。盡付一星楚炬。
便有瓊田珠戶。都銷三月秦灰。俺這裏糞土化黃金。他
那裏黃金變糞土。這種便宜交易。真乃今古所無。再做
上一百年勾當。只怕水晶宮還要問我借債。好不興頭。
頗耐近日。例禁森嚴。絕我貿易。因此舉兵。內犯擾動干
戈。這裏舟山地。面屯有三鎮雄師。十分利害。眾兒郎與
我奮力攻打者。眾應全。吶喊跳舞下。末老旦淨戎裝領

卒上

滴溜神仗兒。合圍城的。圍城的。弄刀舞矛巡城的。巡城的。